

仙游縣志
(一)

仙遊縣志

古鈔
本錄

(一)

1-3卷

重修仙谿邑志序

仙谿邑志始創於宋寶祐五年丁巳重刊於元至正十一年辛卯今考自寶祐丁巳至至正辛卯纔九十有五載已稱邑志無存遍求墨本獨得邑士傅玉成家藏一帙可為依據而重鏤之自辛卯至於今歷年雖未甚久然其間屢經兵燹典籍殘缺家藏墨本千不能有一有者惟藍谿茅氏西湖傅氏一二人家然又以手錄數簡補其脫漏未必盡舊時之墨本也於乎文獻不足重其然乎宣德正統間邑之故考飛山張樂素藍谿茅梅澗楓溪薛別駕西湖傅提舉輩每歎此書之散逸而慮後日

之無傳俱欲重修鉅并以傳惜乎未就而卒成化初屏山
鄭檢討家居以新志蕪穢不治亦嘗芟柞繁亂掇拾精
英編次幾成而先生復北上余以成化末釋服從吉休
養衰朽于林泉亦頗有諸公之念顧以官無餘祿家無
餘積欲重修鉅梓而未能也至弘治庚戌秋八月別駕
之子瑞昭與其從子文徵提舉之族子體純梅澗之子
常正陳待制次升云之賈孫德威樂素之孫叔華檢討
之從弟廷時暨余仲弟漢明邑士貂峯吳廷興錦溪鄭
必謙十餘人挾新舊二志偕詣余倦飛館請余哀次成
帙且鳩邑之好事者相與募工重刊以傳諸後余曰盛

哉此舉是固成爾先君子之志亦適余平日之願也遂
忘固陋刻意纂修其門類條目一以舊志為主別為卷
十有六其目五十有六每目皆先錄舊志而綴新者於
後凡五閱月而書成將鋟梓間適邑長陳侯履任復捐
奉金贏三鎰以贊成其事而者就緒焉於乎是書之作
非以載往事記前言以資多識蓋欲藉此以垂於將來
者也是故錄名臣正士德業聞望之重將使覽之者必
有所感發而思齊焉錄禮義敦朴之風將使澆薄之俗
有戾乎古者亦將感此反正而淳龐焉錄良吏政績之
實則後之司教養者觀此寧不慨然而自勵乎錄貞女

節婦之揚名於世者則世之怕寒餓死之婦聞此寧不
赧赧而無地自容者乎書之有關於世如此豈徒山川
境土與鳥獸草木之名而已哉是為序

皇明弘治辛亥七月朔日賜進士出身朝列大夫江西
布政司右參議邑人槐林陳遷書于倦飛館

僊溪志序

郡邑有志其來尚矣凡境土之廣狹山川之近遠戶口
之多寡租賦之重輕解署之布置守令之代更與夫忠
臣孝子義夫節婦文章足以經世道德足以師表者以
至物產之宜仙釋之異莫不備具焉予行四方所至郡

邑常首訪是書故每得其風土之實厚者因以勉之薄者因以勵之其為補助豈淺淺也哉至正辛卯仲春偕亞中大夫福建閩海道肅政廉訪副使朶兒只班按部至于莆之仙溪而其志書之板則已厄于兵燹矣方用歎惜而邑士傅玉成以家藏本來贄因求重鏤于學官或曰是志也不過一邑之事爾且多言曩代奚足以吾辱嗚呼不有垂憲孰窺乎前不有述事孰繼于后矧是邑之板籍入于我皇元也久矣興圖雖大又豈以其細微而不口哉制度沿革當有續口於將來者然則是書也又可泯而不傳

乎方與從事劉叔等謀復之而監邑倒刺沙乃願受其
役故以餘俸為之倡士子咸喜扳成之有日復拜于庭
而請序因書以遺之朝散大夫僉福建閩海道肅政廉
訪司事河東田九嘉序

書吏李玄劉叔奏老王忠

朝散大夫僉福建閩海道肅政廉訪司事田九嘉亞中
大夫福建閩海道肅政廉訪司副使朵兒只班

仙溪志序

古書有九丘有方言今圖經之類爾然左史倚相至與
典墳共讀揚雄勤勤纂輯豈其書果不可闕歟吾郡三

邑仙遊最鉅其山川之美戶口之衆前未有記載者少
府黃君始奮為縣志上下數百年間人事之變風土之
宜採之舊聞訪之故老皆有攷據釐為十五卷其言曰
地以人重瞻言耆舊有列於慶曆諫官者有危言詭論
相望于元祐黨籍者有與鄉道鄉同貶者有為乾道名
宰相者其他魁彥勝流不可勝書故其志人物尤詳焉
予嘗同鄭子敬方孚若至邑西清陳公時年八十餘
矣余三人設醴清談竟夕多及乾淳間事健少年不及
也豈其水深土厚所產皆秀傑歟黃君俾余序其書不
獲辭君名岩孫字景傳溫陵人秩滿臺郡皆以才薦將

去為潮州郡文學矣寶祐五年孟夏既望中大夫右文
殿修撰提舉亳州明道宮劉克莊序

莆甲七閩分邑惟三仙溪又甲諸邑前未有志是大漏
典令趙君與泌事閩風教每切留心堯舜道統之傳盛
於孔子而尊經有閣周程道統之傳恢於朱子而肖象
有祠重惟茲邑山川更蹠秀氣所宮鍾媿前哲崇經術
嗜理學壽斯道之脉宏矣直節高風立懦千載不筆諸
志何以詔久今邑士有請諡尉黃君岩孫編次之于人
物為尤重揮金十萬以倡相之者翕若半捨而板傳一
披圖經訪詒石勝必有好事若韓昌黎者僕來自京國

蘇兄攀龍偕同志以復序為口竊惟有紙上志有胷中
志奇峰峭拔宜產鋪茶生齒稀而之繁版賦豐而之縮
紙上志也用則入祖徠聖德之頌不用則入文德克籍
之碑仕則致身鼎鼎而一畝不增不仕則高臥林泉而
累召不就胷中志也是舉也裨風教居多編口云乎哉
若夫緝莫終口既往紀流緒于方來富有增光此筆者
陸澄地里書而任昉補之王曾九域圖而王存廣之深
有望于後之人寶祐丁巳中秋日平湘陳堯道教之序
圖謀之傳尚矣今僻口之邦偏小之邑亦必有紀錄焉
仙遊號莆望縣綿歷幾歲禩更造幾令佐曾無隻字以

詔非闕典歟官長趙侯與必慨然俞邑士之請屬筆于
岩孫遂撫之前聞質之故老參之學職二蘇君國台攀
龍黃君堯俞口郡志之失紀載者訪口刻之末流傳者
博觀約取誕去實存而筆諸小序尤深致其意論財賦
必以惜民力為本論山川必以產人傑為重人物取其
前言往行否則爵雖穹弗載焉詩文取其義理法度否
則辭雖工弗錄焉按是非於口實口中寓勸戒于微口
之表匪直為記事設也越半載而書成累政之因襲一
旦而洗數百年之欠闕一旦而補千萬古之山川人物
一旦而發越呈露不惟是也官乎此者睹前人之政績

庶幾有所矜式生乎此者口慶曆元祐諸先口之高風
庶幾知所興起乎後將有攷於今亦猶今之有攷於古
也寶祐丁巳季春中澣 後黃巖孫謹識

仙谿縣志目錄

縣境圖

第一卷

叙縣

道里

官廨

縣郭

驛遞

市鎮

第二卷

星土面勢

鄉里

倉庫

坊表

亭臺

宸翰誥勅

學校

學宮

祭器

學田祀田

社稷壇

風雲雷雨山川壇

邑厲壇

里社

風俗

戶口

士貢

財賦

吏役

第三卷

山川附井潭岩洞奇石古蹟

橋梁

八景

第四卷

陂塘

屯田

第五卷

物產

第六卷

令佐題名

第七卷

進士

第八卷

土田

良吏政績